

CANTIC SPIRITUEL

EN ENOR

DA SANT IAN BADEZOUR

Var un ton nevez.

Jesus, Map d'an Tad Eternel,
Salver ar bed universel,
Roït din ho c'raç hac ho scour
Da goms a sant Ian Badezour.

Zachari hac Elizabeth
Voa e dat hac e vam hanvet,
D'an den voant exant a bep blam
Pa voant da sant Ian tad ha mam.

Elizabeth a voa coz bras,
Hep beza bet buguel biscoas,
Mæs dre ur c'hraç dreist an natur
E conceyas he c'hrouadur.

E guir priedou e vevent,
Humbl voant ha parfet evel sænt,
Bemde e supliant Doue
Ma roje deze bugale.

Pa voa Zachari en ilis
O offr da Zoue ar sacrific,
E tigaças Doue an Tat
Un Æl dezan gant quelou mat.

Ebars en tu deou d'an auter,
E tisquennas ar messenger,
Hac e laras da Zachari,
Ema graç Doue en ho ty.

Exaucet eo bet dec'h ho peden,
Doue a ro deoc'h ho coulen ;
Ho priet, quent nemeur ahan,
En devo ur map hanvet Ian.

Ar map-ze a vo ur sant bras,
Ur precursor d'ar Messias :
Ar c'hraç en devo da velet,
Nep a dle redimat ar bet.

Gabriel a zisparissas,
Elizabeth a goncevas
Ur map etre e daou goste,
Precursor dan Autrou Doue.

Pa voa santez Elizabeth
O touguen sant Ian biniguet,
E teuas ar Verc'hes Vari
Evit renta bisit dezi.

Mari a zougue d'ar c'houlz-ze
En e entrailou Mab Doue :
Deut voa abers ar Speret-Glan,
Da lemel ar pec'her a boan.

P'en devoa Mari saludet
He c'hiniter Elizabeth,
Ha discuet dezi ur joa bras
Daou miracl caër a c'hoarvezas.

Sant Ian e cof Elisabeth,
Gant joa a commanças lamet
Evel pa vize d'an daoulin
Da saludi he Vestr divin.

Ouspen a voa sanctifiet,
Delivret demeus ar pec'het,
A ro deomp hon tad hac hor mam.
Balamour d'ar pec'het Adam.

Piou ne gompreno quet a han
An excellanç eus a sant Ian,
Grêt voa gant Doue ur sant bras,
Hac en ne voa quet ganet c'hoas.

Pebes joa da Elisabeth ;
Pa c'hanas he map biniguet :
Cavet Jesus en e c'hichen,
Redempteur an natur humen.

N'em eus nep douët evit avanç
E voa en Ev rejouissanç,
Hac e cane an oll Ælez
Da sant Ian canticou nevez.

Pa zeo Jesus roue ar c'hoar
Deut eus an Ev var an douar,
A zisqueuse dre e bresanç
Cals demeus a rejouissanç.

Zachari a voa mut rentet
Balamour m'en devoa douetet
Da gomzou an Æl Gabriel,
Messenger an Tad Eternel.

Mæs sant Ian pa zeo bet ganet
Ar goms d'e dad en deveus roet ;
Rac chetu aman e gomzou :
Ian emezan eo e hano.

Entre ar bugale malet
So biscoas gant groaguez ganet
N'en deus quet bet hepquen unan
Brassoc'h evit ma zeo sant Ian.

Jesus-Christ pa voa var ar bet
Eo en deveus e lavaret,
Ne gred, hon Salver pa gomzo
Avezo credet hep testo.

Sant Ian biscoas ne reas pec'het,
Ha ras pinijen bras bepret ;
Paourte, poan, humilite,
N'en deus bet quen en e vuhe.

N'en devoa quen evit dillat
Nemet croc'hennic eun danvat
E deliciusa cheriou
Voa dour scler ha griziu lousou.

E vele oa an douar yen,
E dy er meas, e bluec men,
E tapis hac e lincelliou
Ne voant nemet spoe ha delliou.

E compagnunez al loenët,
Bleizi, moc'h guez ha leonet,
E jardiniou d'en em bourmen,
Coajo, drez, spern, दौरa bouillen.

Concluomp eta, christenien,
Eo necesser bras ar binijen,
Pa zeo eun den quen innoçant,
A souffr quement all a दौरmant.

Sant Ian en desert er guis-zé
Ne re nemet pidi Doue,
Ha gortos gant eun desir bras
Donediguez ar Messias,

Mæs pa voa arru an térmén
Da brena an natur humen,
E quittas sant Ian ar c'hoajou
Evit miont da zermon dre'r vro.

Da laret d'an dut disordren
E voa ret ober pinijen,
Evit prepari an heanchou
Da ziguemeret an Autrou.

Ar brut mat demeus e vuhe,
E squiant, e autorité,
A re d'an dut a beb canton
Donet d'e glevet o sarmon.

E sellou a voa quer charmant,
Quen douç e goms, quen ravissant,
Ma songent oll, bian ha bras,
Penaus voa heu ar Messias.

Bete memes ar Jusevien
A zeputas o beleyen,
Evit mont da c'houlén outan
Hac ar c'hriste a rer anezan?

Mæs en en deveus respontet
Ne voa na Christ, nac ur Prophet,
Nemet ur vouez en eur dremen
O laret ober pinigen.

Sant Ian eleac'h ma tremene
Ouspen sarmon e vadeze ;
Gant e gomzou e yent contant
Da sench a caout badiziant.

Pa voa o sarmon evellen
E quichen bord rivier Jourdren,
E teuas Jesus e unan,
Da veza badezet gant Ian.

Sant Ian en instant m'er guelas
Ous e anaout en discueas,
Heman, emezan, eo an oan
A lammo ar pec'her a boan.

En zo bet deomp prometet
Gant quement eus a Prophetet :
Chetu aman an oan Doue :
Hor Mæstr, hor C'hrouer, hon Roue.

Piou a gomprenas biscoas
Humilite ar Messias,
Pa bligeas gantan er Jourdren,
Monet e renq ar bec'herien.

Da effaci ar pec'hejou
E ve gret ar badianchou,
Mæs Jesus, hac en innoçant,
A recevas ar badiziant.

Chetu aman traou surprenant
Hac a ra din coll ar parlant,
Guelet Jesus humiliet
Dirac nep'en devoa crouet.

Jesus hor Mæstr, roue a c'hloar,
A so prosternet d'an douar ;
Mæs Ian o rei ar badiziant
So enoret evel ur sant.

Jesus a so voar e zaoulin,
Hac en ur personiach divin,
Jesus a so e plac' ar pec'her,
Ha Ian so e plac' hor Salver.

C'hui, sant Ian p'ho poe an enor
Da badein hon Redemptor,
A remerquas a euc'h e benn
Ar Speret-Santel o tisquenn.

C'hui glevas an Tad Eternel,
O ansao eno e Vuguel :
Henvez eo ma Map, emezan,
Ma slijadur a zo ennan.

Sant Ian p'en devoa badezet
Jesus hor Salver binniguet,
A yas ba bales Herodes,
D'e vlam eus e aoultries.

Mæs ar Roue Herodias,
Ous sant Ian en em goleras,
Hac a ras dre suasion
Lacat anezan en prison.

Pa voa ar roue un devez
O leina e compagnunez,
E teuas merc'h ar plac'h flamant
Da ober eun dans dirazan.

Ar Roue neuse a laras
D'ar Verc'h-ze da Herodias,
Goulen eun dra benac outan
Hac e divize anezan.

Gant he mam ar plac'h quelennet
Penn sant Ian e deus goulennet ;
Troc'het voe er prison e benn,
Ha roet dezi he goulen.

Sant Ian, breman ez oc'h er gloar,
Goude ho poan var an douar :
Hoc'h assistanç a c'houlennomp,
Ho pezet sonch eus ac'hanomp.

Hor preservit oüs an teir goalén,
Bresel, quernez hac ar vocen,
Dre ho pedennou deiz ha nos
Hor c'honduet d'ar Barados.